

Broj: 05-02-5-2738/26
Sarajevo, 02.04.2026.godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

**PARLAMENT FEDERACIJE BOSNE I HERCEGOVINE
DOM NARODA**

| | | | |
|-----------------------|------|---------|------------|
| Primljeno: 17-04-2026 | | | |
| Org. jed. | Broj | Priloga | Vrijednost |
| 05/2 | -02 | 157 | /26 |

n/p Tajnik/Sekretar

PREDMET: Odgovor na delegatsko pitanje, dostavlja se

VEZA: Vaš akt broj: 05/2-02-157/26 od 19.03.2026.godine

Poštovani,

Vašim aktom, broj i datum iz veze, dostavili ste delegatsko pitanje koje je uvažena delgatkinja Jelena Pekić postavila dana 17.03.2026.godine, radi davanja odgovora iz nadležnosti Federalnog ministarstva finansija-financija.

Uvažena delegatkinja zatražila je dostavljanje odgovora na pitanja koja se odnose na poslovanje priređivača igara na sreću – klađenja na području Općine Stari Grad Sarajevo, kao i na teritoriji Federacije BiH, u skladu sa Zakonom o igrama na sreću („Službene novine Federacije BiH“, br. 48/15 i 60/15).

Shodno prednjem, iz segmenta naše nadležnosti dostavljamo:

ODGOVOR

Ministarstvo izdaje odobrenja za uplatna mjesta priređivača igara na sreću – klađenja na teritoriji Federacije BiH, u skladu sa odredbama Zakona o igrama na sreću.

Kada je riječ o udaljenosti uplatnih mjesta, ista je jasno propisana članom 90. stav (4) Zakona o igrama na sreću, kojim je utvrđeno:

„Novo uplatno mjesto za primanje uplata klađenja ne smije se nalaziti na udaljenosti manjoj od 100 metara od vjerskih objekata, te osnovnih i srednjih škola.“

Dostavljene akte Ministarstvo koristi kao dokaz u upravnim postupcima, u skladu sa Zakonom o upravnom postupku („Službene novine Federacije BiH“), osim u slučajevima kada su isti osporeni od strane nadležnog suda. Prilikom zaprimanja akata, Ministarstvo vrši provjeru njihove formalne ispravnosti, sadržaja relevantnog za postupak, kao i nadležnosti organa koji ih je izdao.

Nadležne općinske službe, na čijoj teritoriji se nalazi planirana lokacija uplatnog mjesta, u okviru svojih zakonom utvrđenih nadležnosti, postupaju po zahtjevima priređivača i primjenjuju pravila geodetske struke, u skladu sa važećim propisima iz oblasti premjera i katastra, prostornog uređenja i građenja, na osnovu kojih utvrđuju udaljenost između relevantnih objekata.

Od početka primjene Zakona o igrama na sreću („Službene novine Federacije BiH“, br. 48/15 i 60/15) do danas nije bilo osporavanja akata o utvrđenoj udaljenosti pred nadležnim sudom.

Kada je riječ o Općini Stari Grad, na njenoj teritoriji posluje ukupno 13 uplatnih mjesta klađenja. Od tog broja, 12 uplatnih mjesta odobreno je na osnovu ranije važećeg Zakona o igrama na sreću („Službene novine Federacije BiH“, br. 01/02 i 40/10), koji nije propisivao minimalnu udaljenost od vjerskih objekata, osnovnih i srednjih škola, dok je jedno uplatno mjesto odobreno u skladu sa važećim Zakonom, na osnovu dokaza izdatog od strane nadležne službe Općine Stari Grad Sarajevo.

Zakon o igrama na sreću („Službene novine Federacije BiH“, br. 48/15 i 60/15) ne prepoznaje institut „revizije“ izdatih odobrenja. Međutim, obim usklađivanja i način vršenja nadzora nad poslovanjem priređivača igara na sreću propisani su članovima 123., 125. i 133. Zakona, kao i kroz postupak produženja odobrenja koji se provodi u skladu sa članom 89. stav (4) Zakona.

S poštovanjem,

